

von Grislow adir von synen erben, globen wir in czu ryten in dy stat Budissen in eyn erbir gasthus, wo wir von unsirn globirn ingemant wurden, iczlichir mit czwen pferden vnd myt eyne knechte, adir iczlichir eynen erbern knecht vor sich zcu senden mit czwen pferden vnd myt eyne knechte, vnd dar ynne zcu leisten vnd zcu halten vnd zcu legen als inlegirs gewonheit vnd recht ist, vnd dar us nicht zcu komen den vorgeanten werde danne er gelt ganz vnd gar bezalt. Thete wir des nicht, wenne denne schaden adir czerunge dy vorgeanten noch erem gelde tethen, is were an brieffen adir an botelone adir schaden nemen, der do redelichen were, den sy bewißen mochten, globen wir sachwaldigir vnd burgen vorgeant den czu bezalen vnd zcu legen myt dem haibtgute. Ouch gelobin wir selbschuldigir vnd burgen alle mit gesamtir hand keyner sich myt siner manczal schuczzen, sundir dy vorgeante summen geldis ganz vnd gar zcu bezalene als vorgeschrebin stet myt deme redelichin schaden an allirleye helffrede adir argelist. Geschege ouch vorseumnisse an deßem brieffe welchirleie das were, das sal den vorgeant an erer bezalunge keynen schaden brengen; ginge ouch der burgen eyner ab, er dy bezalunge gesche, das got wende noch synen gnaden, so globin wir vorgeantir selbschuldigir vnd burgen eyn andirn burgen zcu seczzen an des abegegangen stat, der also wol gehalten mag, also der vorgangene gethan hette, als uft des not geschit. Das wir selbschuldigir vnd burgen alle obingeschreben stücke vnd artikele stete vnd ganz halten wollen, habin wir alle vnsir ingesigil wissentlichin an desen offen brieff laßen hengen, der do gegeben ist nach Cristi geburt vierzehenhundert jar dar nach in dem eilften jare an dem achten tage der heiligen czwelfboten sente Petirs vnd sente Pauwels.

Nach dem Liber Rudolphi fol. 6^b. ff. im Stiftsarchiv zu Meissen.

No. 825. 1411. 9. Juli.

B. Rudolph und das Capitel versprechen dem Rathe zu Bischofswerda, die von seinen Vorfahren wiederkäuflich abgetretenen von der Stadt dem Hochstift zu leistenden Jahreszinsen nicht zu fordern, bevor nicht den dermaligen Empfängern derselben die Kaufsumme zurückerstattet worden.

Wir Rudolph von gotes gnaden bischoff zcu Missen bekennen —. Also der erwirdege bischoff Johannes von Kytlicz vnser vorvarn vorsaczt hatte dy irbirn burgermeister vnd gesworn der stad Bischoffwerde vnd ere genozen vor funfzig schog Bemischer grosschen Preger muncze, do vor her ouch sy ledig vnd loz gesagit hatte jerlichir gulde funff schog czinsis vnd rente, dy dy kirche zcu Missen uf en hat, halb uf sente Michilstag vnd halb uf sente Walpurgentag, vnd der selben rente funff schog sy ledig sin sullen von jare zcu jare alz lange bis her adir syne nachkomelinge bischoffe zcu Missen dy vorgnanten von Bischoffwerde der funfzig schog ganz vnd gar bezalten. Dy selbe schulde ouch bischoff Thime vnser nest vorvarn uf sich vnd syne kirche genomen hat in allir moze alz obingeschrebin stet. Ouch so hat bischoff Thime vnser nehst vorvarn schadelos globt abe zcu nemen czen schog grosschen jerlichis czinsis dy vorgnanten burgermeister vnd ratlütthe zcu Bischoffwerde